

docriver 文川网
古籍书城
入驻商家
在文川网搜索古籍书城
获取更多电子书

中國方志叢書·第一號


據清·瑞麟戴肇辰等修史澄等纂
光緒五年刊本
影印

廣東省

廣州府志

69/175
sk72/69

成文出版社印行



129
H819
2101

廣弼府班

百六十一

三卷

光緒五年冬月

琴弓粵秀書院

docsriver 文川网
入驻商家 古籍书城

在文川网搜索古籍书城 获取更多电子书

重脩廣州府志序

嘗考周禮春官小史掌邦國之志外史掌四方之志而近世
省有通志郡縣有專志編書者皆隸史書地理類蓋省志卽
全省之史郡縣志卽郡縣之史也廣州府志向有黃文裕公
定本散佚不傳至乾隆二十三年糧道金公烈暨知府張公
嗣衍脩輯成書共六十卷迄於今又歷百二十餘年竊意此
百二十年間水陸之變更城邑之沿革堤坊之興廢物產之
盛衰與夫賦役之重輕政治之得失及咸豐四年七年之兵
燹府屬官紳士民婦女殉難殉節之家皆今日之所有而昔
之所無倘因循歲月不爲脩輯至於久而遂廢文獻無徵亦
守土者之責也予滋懼焉爰稟陳大憲商同紳士於同治己
巳仲冬在省城府學宮開局重脩延聘史穆堂中允李恢垣

廣州府志

序

銓部爲總纂周秩卿司馬等或司分纂或司圖說或司采訪
究心舊志續增新事益前人所缺略廣後日之見聞庶幾哉
他日按籍而稽舉十四屬之輿圖人物展卷瞭然而自乾隆
脩輯以後廣州百數十年之事蹟燦然悉備所以成一郡之
掌故而佐全粵之治理者胥在是矣庚午季秋余受代去任
不獲與諸君子朝夕討論而又惓惓於是書之成也謹識其
緣起而爲之序

同治九年孟冬之月三品銜廣東候補道前權廣州府事丹
徒戴肇辰謹序

重修廣州府志序

自秦併六合廢封建為郡縣始皇三十三年置南海郡為粵通中國之始漢初為越南國後復置南海吳黃武五年改置

廣州此廣州之名所由昉也唐宗以降遞相沿革迨有明洪武年間始建廣州府治我國家定鼎之初仍明舊制歷百餘年休養生息沐

浴涵濡風會蒸之媿爰

中土而郡之志乘闕有間焉乾隆丁丑糧儲觀察浙西金慎齋先生蒼萃羣書旁搜博採網羅今昔放失舊聞延攬

名儒參訂成集郡志始有定本蓋距今百二十年矣往歲己巳前守戴君友梅觀察曰原板燬於兵燹懼其久而無傳也請於

大府續纂而增修之未竣
事旋解組去端本適由瓊
郡檄調來守是郡先後
九年凡三蒞任茲者全書
告成總纂史穆堂先生
以稿本見示端本受而讀

之體例憲遵阮文達公通
志考覈精詳較舊志尤
為明備其編集所採訪
後事取古謹嚴勿遺勿濫
洵足補前人之所未及而
昭示後來於無窮焉且

夫郡邑之有志猶邦國
之有史豈惟是鋪張事
蹟炫耀耳目云尔哉其間
風俗之盛衰政治之舉息
亦攷鏡得失之林也廣
州為東粵首郡領縣十

四東西衡四百二十里南北
縱六百四十餘里華實之
毛為全粵之上腴防禦之
阻為瀕海之扼要會城內
外市肆駢闐帆檣林立華
洋雜處良莠糾紛强悍

之習重利輕生遊佚之凌
朝遷夕徙縱之則滋蔓
堪虞激之輒倉皇生變
伊古以來稱難治撫綏
控馭之方緩急張弛之
用是在守土者斟酌調

劑之得其宜焉斯可矣况
乎五嶺鎖鑰於其後重
漠襟帶於其前形勢所
在別為一區天下無事則
已天下有事草澤奸雄
動思竊據此亦古來用兵

必爭之地也其見於前
代者無論矣即以數十
年來之近事徵之道光二
十一年海氛初熾咸豐
四年紅匪倡亂七年洋
人入城幸賴我

宣宗

文宗

穆宗聖聖相承宵旰焦勞殫竭
廟謨掃清內亂輯睦外鄰中興

盛軌軼漢超唐

今上以冲齡踐阼

兩宮

皇太后復

諭飭南北洋通商大臣暨沿海各

疆臣加意海防悉心籌畫

綢繆未雨至周且密近歲

以來瀛寰澄鏡重譯款閩

邊徼遠郡晏然如戶庭之

廣州府志

序

七

安益見我

朝德澤漸被之深聲靈震

疊之遠誠亘古所未有也

端本不敏承之若土行將

十稔夙夜兢、幸免隕越

然而瘼故每起柱細微

事機多誤於所忽尤願後

之官斯郡者披覽是編

洞悉乎地利之險易審察

乎民志之從違安不忘危

逸不忘勞詳求治理以佐

聖世同文雅化成億萬年有道

廣州府志

序

八

之長也豈不懿歟若夫山

川疆域之廣博聲明文

物之茂美風土產植之殷

饒前序已備稱之茲固

無庸贅述焉是為序時

光緒五年歲次己卯仲春

中澣鹽運使銜知廣州
府事祥符馮端本撰
并書

重脩廣州府志序

粵自畫州有界曾傳風后之圖括地分形聿受河神之籍疆域詳於禹貢土宜辨於周官稽管仲之遺編特著五烈五磁攷劉安之舊訓爰詳九塞九山地志之興所由肇矣厥後派別攸分源流遞異或媿陳留者舊侈彪炳於人文或同荆楚歲時誌殷繁於土俗或等蒐羅於任昉或同纂集於摯虞兼綜并包分門別類茲非一方之掌故羣籍之會歸者乎綜覽前書凡有二弊爾其鉤稽易誤援據多疏語墊屋而不知問武陵而莫對羊腸之坂誤指壺關象口之河謬云積石笑坊州之錯讀類邠國之治訛談禹穴者每至舛淆考堯城者輒多附會履欲名古何嘗考訂於字林輦勺音殊詎解博徵乎漢注譬之虛車是運盲鏡徒矜但憑揣測之精罕見淹通之

廣州府志

序

一

識是曰舛戾其弊一也亦有臚列奇聞廣搜異說陸雲之稱節縣盛誇物產之豐盈朱育之對會稽博數人才之奇崛語蜀會則修其殷富論晉產則美其英多猥言江表琳瑯豔說荆南杞梓考版圖於秦時競稱三男二女之饒矜冠冕於杜陵爭羨七相五公之盛譬之翠綸桂餌玉軌金羈徒侈事乎鋪張悉無關乎致用等買瓜之求益類蒸棗之空華是曰繁蕪其弊二也凡茲流弊未易刊除欲期審擇之得宜必藉權衡之盡當我廣州夙號輿區原稱沃壤水遠扶胥而浩瀚山連尋陔以逶迤五羊偶駐之鄉靈蹤寶萃九鳳經飛之海異寶斯多合推繁縣雄州不乏先賢名德自秦漢分疆而後已屬富饒迨隋唐設鎮以還尤誇險隘念前賢之著述經兵燹以湮沈裴顧之記久亡吳高之書已佚王中行之圖志半付

羽陵黃才伯所纂脩難搜西穴惟茲戊寅之舊志歸然甲乙

之宏編疏漏殊多庸庸不免推輪方始難任轉輸書併空成徒存形貌况自綠蠹成篇之後屢值紅羊換劫之年竹王負固於窮荒米賊俯張乎近縣銅魚晝召叱咤威風玉虎晨驚掀騰烈燄唇噓瘴落為點溪深赤囊屢遞而星馳碧旆初臨而霧洗增障築成馬成益懷乎邊防割縣分州嚴幹有煩於遷徙凡此章程之建置悉為簡策所當書加以俊彥騰騰英才霧集郡同巴蜀各習詩書地比宜城特多冠蓋聯翩競映炳燦交輝或推相業於韋平或紹經傳於賈鄭或循聲卓著咸歌五馬之旄或偉績堪銘並勒九龍之鼎幽光待發懿行斯傳端憑紀載於范爰合侯訪求於王範秦子勅瞻懷先哲移書有待乎商量鍾元常慨念舊交軼事已聞其撰集宜加

廣州府志

序

二

哀錄俾得流傳合瓊瑤而悉萃剛林統金錫而盡歸大冶庶使宏綱之備列益徵鉅製之常新已 太守戴公以江左之英流總交南之劇郡懸魚政肅馴雉風清似馬總之來郵津諏律稽經同虞薄之在鄱陽論文校藝眷茲篇帙已閱歲年迭經雨剝以風摧奚自徵文而考獻遂乃延碩彦召耆儒握管齊來操觚各奏百番蜜紙並許傳抄十斗麋丸無妨競寫紛紜異說咸薈萃於七瓶瑣屑舊聞並儲藏於百麓於是芟繁就簡提要鉤元斜上旁行效周時之舊譜大書小注仍鄴氏之遺規或有謬說支離分門破碎菴欄軒芋咸用剪除馬勃牛溲概加芟削務折衷於一是冀傳信於千秋此義例之貴於精詳也至乃搜籍索圖咨耆訪耄魏泰之成地志考之傳聞李恂之述土風證於親歷履疏細密剖析微芒奚虞唯

務之傳疑豈有圖陰之誤載襟喉險要並已燦陳離味方言
咸皆備具此考訂之務於典確也若夫五曹之術掌自疇人
八線之工創從異域凡立表開方之法悉測深望遠之資驗
圭撮以無差按孤弦而悉叶隨方定位恰同考證於李該度
海量山合類奇能於劉焯等腹中而著眼疑混竅以開眉宛
然臥矩之能知無異揭藥之可辨此圖繪之期於分明也別
有前代佳章名流舊撰采自礎銘碼刻搜從寸楮零縑賸馥
殘膏一鱗片甲應比袁宏小賦錄從江夏之經定同蘇蕙遺
詩載入武功之志碎金可拾餘錦仍存九張之杼自炫陸離
百衲之琴無妨補綴爬搜殆罄津逮靡窮此徵引之宜於宏
博也外至蠻樓絕峒蠻戶遺墟笏竹深叢黃蘆絕港營屯舊
建虎落環遮郵驛所經騾綱遞送陂湖綿互市聚駢田隄偃

廣州府志

序

三

龍鱗隔張雁翅莫不精據密摺顯著臚晰裂揚子雲四尺之
素具審源流懸崔祖濬三丈之縑備知要害昔樂史有言萬
里山川四方險阻攻守利害沿襲根源源伸紙未窮森然在目
以今視之直其然矣若夫民生之利病戶版之盈虛披覽是
篇又堪概見湖自族分羣戶海控重洋荒阿段之夷歌渺盧
亭之極浦風腥葛黨馬童撓酒而來樹泣波羅鮫女獻綉而
去甚至硯錢競市估舶紛乘方三淖之欲平又九隆之迭化
蓼頭茅夾家輸賸布之租蜺妹蝦姑人並婆蘭之載倘爭桑
其偶鬢必含鴛以頻驚兆盧寇之漫漫積慕容之憤憤赤符
有獲則戴異生心絳幘自標則張昌妄煽毒霧噓而延陀盛
土船裂而虞君雄夫徵側何能病漢而馬援或至於勞師孫
恩豈足困劉而田子竟煩乎入海何則穴蟻者終成於隄決

而縛龜者且至於桑憂加以俗習閔掄民多彫劫犀牛堰築
扞禦頻年燕子田荒征輸累載昔之歌同得寶庫號長生人
誇金穴之雄家擅銅陵之富效鳴琴於齊俗競尚音聲矜跼
展於趙都咸趨靡麗竟等亡羊之補空同按驥之求嗟物產
以漸殫嘆凋殘其已甚此則勞惟稼穡必俟王丹化被管弦
庶如何武讀是書也思以謀保聚思以固侯遮思以息灾氛
思以宣仁化羊興祖之臨郡親涉山川李贊皇之籌邊遍圖
部落豈僅蒐遺聞於朱貢侈異物於劉恂已哉道職備西清
書窺東觀楓宸進講注記起居芸館撰文知參制誥憶傳經
於槐市愧脩史於蘭臺看花棘院深虞五色之迷視草穗垣
更乏三長之備今者汗簡初成琬鐫已就編摩鉅帙用綴蕪
詞業看鞞譯借同並得附方輿之記更喜中和遠被請廣宣

廣州府志

序

四

樂職之詩光緒四年番禺史澄撰

舉人國子監學錄銜河源縣訓導陳澧
分校

生 員梁起

生 員史悠泰

廩貢生光祿寺典簿銜候選訓導羅槃

廩貢生 候選 訓導史悠晉

附貢生 詹事府主簿 銜史悠乾

廩貢生 內閣中書分發直隸州知州史悠履

拔貢生 內閣中書分發直隸州知州史悠履

增 生 員金俊基

生 員顏以湘

廣州府志 職名

三

生 員金偉基

監生 中書科中書 銜盧乃潼

總理局務

生 員桂文熾

光祿寺署 正郎啟運

收掌 生 員林學詩

監

廣州府志目錄

卷一

訓典一

卷二

訓典二

卷三

訓典三

卷四

訓典四

卷五

訓典五

卷六

廣州府志目錄

沿革表一

卷七

沿革表二

卷八

輿圖

卷九

輿地略一 疆域 星紀 星野 氣候 都堡

卷十

輿地略二 山川一

卷十一

輿地略三 山川二

卷十二

輿地略四 山川三

卷十三

輿地略五 山川四

卷十四

輿地略六 山川五

卷十五

輿地略七 風俗

卷十六

輿地略八 物產

卷十七

職官表一 秦 漢 三國 晉 宋 齊 梁 陳 隋 唐 南漢 宋

卷十八

廣州府志目錄

職官表二 元 明一

卷十九

職官表三 明二

卷二十

職官表四 明三

卷二十一

職官表五 明四

卷二十二 明五

職官表六 明五

卷二十三

職官表七 國朝一

卷二十四

職官表八	國朝二
卷二十五	
職官表九	國朝三
卷二十六	
職官表十	國朝四
卷二十七	
職官表十一	國朝五
卷二十八	
職官表十二	國朝六
卷二十九	
職官表十三	國朝七
卷三十	
廣州府志 目錄	
職官表十四	國朝八
卷三十一	
職官表十五	國朝九
卷三十二	
選舉表一	歷代制舉 辟薦
卷三十三	
選舉表二	隋唐宋元進士 鄉貢
卷三十四	
選舉表三	明進士
卷三十五	
選舉表四	明舉人一
卷三十六	

三

選舉表五	明舉人二
卷三十七	
選舉表六	明舉人三
卷三十八	
選舉表七	明舉人四
卷三十九	
選舉表八	明舉人五
卷四十	
選舉表九	明舉人六
卷四十一	
選舉表十	國朝進士
卷四十二	
廣州府志 目錄	
選舉表十一	國朝舉人一
卷四十三	
選舉表十二	國朝舉人二
卷四十四	
選舉表十三	國朝舉人三
卷四十五	
選舉表十四	國朝舉人四
卷四十六	
選舉表十五	國朝舉人五
卷四十七	
選舉表十六	明 國朝武進士
卷四十八	

四

選舉表十七 元明 國朝武舉人

卷四十九

選舉表十八 國朝武舉人

卷五十

選舉表十九

卷五十一 法監二

選舉表二十

卷五十二 仕宦三

選舉表二十一

卷五十三

選舉表二十二 仕宦四

卷五十四

廣州府志 目錄

選舉表二十三 仕宦五

卷五十五

選舉表二十四 仕宦六

卷五十六

選舉表二十五 封蔭一

卷五十七

選舉表二十六 封蔭二

卷五十八

選舉表二十七 封蔭三

卷五十九

選舉表二十八 封蔭四

卷六十

五

選舉表二十九 封蔭五

卷六十一

選舉表三十 封蔭六

卷六十二

選舉表三十一 封蔭七

卷六十三

封建表

卷六十四

建置略一 城池 礮臺附

卷六十五

建置略二 廨署

卷六十六

廣州府志 目錄

建置略三 學校 書院社學附

卷六十七

建置略四 壇廟

卷六十八

建置略五 梁津

卷六十九

建置略六 墟市 關隘 江防 水利附

卷七十

經政略一 戶口 田賦 屯田附 鹽法 雜稅

卷七十一

經政略二 積儲 蘇餉 郵政附 祀典 土貢

卷七十二

六

docsriver 文川网
入驻商家 古籍书城

在文川网搜索古籍书城 获取更多电子书

經政略三 學制 書院義學經費

卷七十三

經政略四 兵防

卷七十四

經政略五 郵儲 海防 船政

卷七十五

前事略一 秦 漢 後漢 晉 宋 齊 梁 陳

卷七十六

前事略二 唐 五代梁 南漢 宋

卷七十七

前事略三 宋 元

卷七十八

廣州府志 目錄

前事略四 明

卷七十九

前事略五 明

卷八十

前事略六 國朝

卷八十一

前事略七 國朝

卷八十二

前事略八 國朝

卷八十三

古蹟略一 城址

卷八十四

七

古蹟略二 署宅

卷八十五

古蹟略三 署宅

卷八十六

古蹟略四 坊表

卷八十七

古蹟略五 塚墓

卷八十八

古蹟略六 寺觀

卷八十九

古蹟略七 寺觀

卷九十

廣州府志 目錄

藝文略一 經

卷九十一

藝文略二 史

卷九十二

藝文略三 子

卷九十三

藝文略四 集

卷九十四

藝文略五 集

卷九十五

藝文略六 集

卷九十六

八

藝文略七 集四

卷九十七

金石略一

宸翰

卷九十八

金石略二

周 秦 漢 三國 吳 晉 梁 陳 唐

卷九十九

金石略三

五代

卷一百

金石略四

宋一

卷一百一

金石略五

宋二

卷一百二

廣州府志 目錄

九

金石略六

宋三

卷一百三

金石略七

元

卷一百四

官績錄一

秦 漢 吳 晉 五代 宋 南齊 梁 隋 唐 宋一

卷一百五

官績錄二

宋二 元 明一

卷一百六

官績錄三

明二

卷一百七

官績錄四

明三

卷一百八

官績錄五

國朝一

卷一百九

官績錄六

國朝二

卷一百十

官績錄七

國朝三

卷一百十一

寓賢錄

卷一百十二

列傳一

周至南漢

卷一百十三

列傳二

宋一

卷一百十四

廣州府志 目錄

十

列傳三

宋二 元

卷一百十五

列傳四

明南海一

卷一百十六

列傳五

明南海二

卷一百十七

列傳六

明南海三

卷一百十八

列傳七

明番禺一

卷一百十九

列傳八

明番禺二

卷一百二十

列傳九 明番禺三

卷一百二十一

列傳十 明順德一

卷一百二十二

列傳十一 明順德二

卷一百二十三

列傳十二 明東莞一

卷一百二十四

列傳十三 明東莞二

卷一百二十五

列傳十四 明從化 龍門 增城

卷一百二十六

廣州府志 目錄

列傳十五 明新會

卷一百二十七

列傳十六 明香山 三水 新甯 清遠 新安 花縣

卷一百二十八

列傳十七 國朝南海一

卷一百二十九

列傳十八 國朝南海二

卷一百三十

列傳十九 國朝番禺一

卷一百三十一

列傳二十 國朝番禺二

卷一百三十二

士

列傳二十一 國朝順德一

卷一百三十三

列傳二十二 國朝順德二

卷一百三十四

列傳二十三 國朝東莞 從化 龍門 增城 新會

卷一百三十五

列傳二十四 國朝香山

卷一百三十六

列傳二十五 國朝三水 新甯 清遠 新安 花縣

卷一百三十七

列傳二十六 人表

卷一百三十八

廣州府志 目錄

列傳二十七 首壽

卷一百三十九

列傳二十八 方伎

卷一百四十

列傳二十九 方外一

卷一百四十一

列傳三十 方外二

卷一百四十二

列傳三十一 列女一

卷一百四十三

列傳三十二 列女二

卷一百四十四

士

列傳三十三 列女三

卷一百四十五

列傳三十四 列女四

卷一百四十六

列傳三十五 列女五

卷一百四十七

列傳三十六 列女六

卷一百四十八

列傳三十七 列女七

卷一百四十九

列傳三十八 列女八

卷一百五十

廣州府志 目錄

列傳三十九 列女九

卷一百五十一

列傳四十 列女十

卷一百五十二

列傳四十一 列女十一

卷一百五十三

列傳四十二 列女十二

卷一百五十四

列傳四十三 列女十三

卷一百五十五

列傳四十四 列女十四

卷一百五十六

吉

列傳四十五 列女十五

卷一百五十七

列傳四十六 列女十六

卷一百五十八

列傳四十七 列女十七

卷一百五十九

列傳四十八 列女十八

卷一百六十

雜錄一

卷一百六十一

雜錄二

卷一百六十二

廣州府志 目錄

雜錄三

卷一百六十三

雜錄四

吉

廣州府志卷一

訓典一

順治三年

上諭朕惟

太祖

太宗創業東方民濟法簡大辟之外惟有鞭笞朕仰荷

天庥撫臨中夏人民既眾情偽多端每遇奏讞輕重出入頗

煩擬議律例未定有司無所稟承爰敕法司官廣集廷議詳

釋明律參以國制增損劑量期於平允書成奏進朕再三覆

閱仍命內院諸臣校訂妥確乃允刊布名曰大清律集解附

例爾內外有司官吏敬此成憲勿得任意低昂務使百官萬

民畏名義而重犯法冀幾刑措之風以昭我

廣州府志卷一

訓典一

順治六年

上諭自兵興以來地多荒蕪民多逃亡流離無告深可憫惻

著戶部都察院傳諭各撫按轉行道府州縣有司凡各處逃

亡人民不論原籍別籍必廣加招徠編入保甲俾之安心樂

業查本地方無主荒田州縣官給以印信執照開墾耕種永

准為業俟耕至六年之後有司官親察成熟畝數撫按勘實

奏請奉旨方議徵收錢糧其六年以前不許開徵不許分毫

發派差役如縱容衙官衙役鄉約甲長借端科害州縣印官

無所辭罪務使逃民復業田地開墾漸多各州縣以招民設

法勸耕之多寡為優劣道府以善處責成催督之勤惰為殿

最每歲終撫按分別具奏載入考成該部院速頒速行欽此

順治十二年

上諭朕惟人臣立身制行本諸一心心正則為忠為直眾美

集焉不正則為奸為隱羣惡歸焉是故心者萬事之本美惡

之所由出也顧事有殊塗心惟一致一於國則忘其家一於

君則忘其身如此者不特名顯身榮邦家亦允賴之矣若夫

奸邪之流樹黨營私怙權亂政卒至身名俱喪為國厲階蓋

緣居恒無正心之功一當勢利遂昏迷昏迷昏亂狂肆矜矜上昧

王章下乖臣誼或作威而聯羽翼或比匪而效奔趨如譚秦

石漢以累世舊臣久叨恩遇不思圖報逞臆橫行跋扈自恣

目無綱紀陳名夏則一介豎儒驟蒙拔倚任深重賜賚優

隆而乃背德植交蔑法罔上此皆自作罪孽以致隕厥身家

朕歷稽往古宵人誤國代代有之觀諸近事復炯鑒昭然足

廣州府志卷一

訓典一

順治十二年

為永成恐後之為臣者或仍蹈覆轍負主恩而渝素志至於

身罹刑憲悔悼無由故推原情狀而論列之錄成一編以為

人臣儆心之訓云

上諭禮部朕維帝王敷治文教是先臣子致君經術為本自

明末擾亂日尋干戈學問之道闕焉未講今天下漸定朕將

興文教崇經術以開太平爾部即傳諭直省學臣訓督士子

凡理學道德經濟典故諸書務要研求淹貫博古通今明體

則為真儒達用則為良吏果有此等實學朕必不次簡拔重

加任用又念先賢之訓仕優則學仍傳諭內外大小各官政

事之暇亦須留心學問俾德業日修識見益廣佐朕右文之

治特諭

順治十四年

上諭朕惟古帝王臨御天下必以國計民生為首務故禹貢則壤定賦周官體國經野法至備也當明之初取民有制休養生息至萬厯年間海內殷富家給人足及乎天啓崇禎之世因兵增餉加派繁興貪吏緣以為奸民不堪命國祚隨之頁足深鑒朕荷上天付託之重為生民主一夫不獲亦疚朕懷凡服御簪羞深自約損然而

祖宗百神軍旅燕饗犒錫之繁以及百官庶役餼廩之給罔不取之民間誠恐有司額外加派豪蠹侵漁中飽民生先困國計何資茲特命戶部右侍郎王宏祚將各直省每年額定徵收起存總撤實數編撰成帙詳稽往贖參酌時宜凡在參

廣州府志

卷一

訓典一

三

差遺漏悉行駁正錢糧則例俱照萬厯年間其天啟崇禎時加增盡行蠲免地丁則開原額若干除荒若干原額以萬厯刊書為準除荒以覆奉御旨為憑地丁清核次開實徵又次開起存起運者部寺倉口種種分晰存留者款項細數事條明至若九釐銀舊書未載者今已增入宗祿銀昔為存留者今為起運漕白二糧確依舊額運丁行月必令均平胥裒盈甲昔解本色今俱改折南糧本折昔留南用今抵軍需官員經費定有新規會議裁冗改歸正項本色絹布顏料銀朱銅錫茶蠟等項已改折者照督撫題價值開列解本色者照刊書價值造入每年督撫確察時值題明填入易知單內照數辦解更有昔未解而今宜增者有昔太冗而今宜裁者俱細加清核條貫井然後有續增地畝錢糧督撫按彙題造冊

報部以憑稽核綱舉目張勒成一編名曰賦役全書頒布天下庶使小民遵茲令式便於輸將官吏奉此章程罔敢苛斂為一代之良法垂萬世之成規雖然此其大畧也若夫催科之中寓以撫字廣招徠之法杜欺隱之外則守令之責也正已率屬承流宣化釐出納之數慎挪移之防則布政司之責也舉廉懲貪興利除害課殿最於荒墾昭激揚於完欠恪遵成法以無負朕足國裕民之意則督撫之責有特重焉其敬承之毋忽

康熙十八年

上諭敦孝弟以重人倫篤宗族以昭雍睦和鄉黨以息爭訟重農桑以足衣食尚節儉以惜財用隆學校以端士習黜異端以崇正學講法律以儆愚頑明禮讓以厚風俗務本業以

廣州府志

卷一

訓典一

四

定民志訓子弟以禁非為息誣告以全善良誠匿逃以免株連完錢糧以首催科聯保甲以弭盜賊解讐忿以重身命

康熙二十年

皇帝詔曰朕纘承丕緒統御寰區仰惟

天地眷佑之庥

祖宗付託之重

聖祖母太皇太后慈訓之殷蚤夜孜孜勤求化理期於兵革寢息海寓又安不意逆賊吳三桂負國深恩倡為變亂陰結奸黨同惡相援抗違詔令竊據疆土滇黔閩浙楚蜀關隴兩粵豫章之間所在騷躪肆逞痛毒三桂僭稱偽號逆醜彌滋負罪尤甚朕恭行天討分命六師剿撫並施德威互濟或繫頸於闕下或駢戮於師中擒捕誅鋤以次收服乃三桂既膺

神極遊孫世璠猶復鳴張據六詔之一隅延殘喘以拒命朕
惟賊患一日不除則民生一日不靖策厲將士屢趣師期於
是虎旅協心進逼城下賊眾計窮勢蹙通款軍門約日獻城
兜渠授首師克之日市肆不擾邊境晏如捷書既至上慰
廟郊

社稷之靈下抒中外臣民之憤神人胥悅遐邇騰歡念自變
亂以來軍民荼苦如在水火披堅執銳卒歲靡甯行齋居送
千里相望被兵之地既罹於鋒刃供億之眾復困於徵輸朕
閱恤民艱不忍輒加額賦間施權宜之令用濟征繕之需意
在除殘事非獲已而身處宮寢之內屢懷問閏之依中夜屢
興盱食不暇怒焉思治八載於茲今羣逆削平疆圉底定悉
廣州府志 卷一 訓典一 五

廣州府志

卷一

訓典一

五

康熙二十五年 孔子

御製蓋自三才建而天地不居其功一中傳而聖人代宣其
蘊有行道之聖得位以綏猷有明道之聖立言以垂憲此正
學所以常明人心所以不泯也輿稽往緒仰溯前徽堯舜禹
湯文武達而在上兼君師之寄行道之聖人也孔子不得位
窮而在下秉刪述之權明道之聖人也行道者勳業炳於一
朝明道者教思周於萬世堯舜文武之後不有孔子則學術
紛淆仁義湮塞斯道之失傳也久矣後之人而欲探二帝三
王之心法以爲治國平天下之準其奚所取衷焉然則孔子
之爲萬古一人也審矣巡省東國謁祀

闕里景企滋深敬摛筆而爲之贊曰

清濁有氣剛柔有質聖人參之人極以立行著習察舍道莫
由惟皇建極惟后綏猷作君作師垂統萬古曰惟堯舜禹湯
文武五百餘歲至聖挺生聲金振玉集厥大成序書剛詩定
禮正樂既窮象繫亦嚴筆削上紹往緒下示來型道不終晦
秩然大經百家紛紜殊途異趣日月無踰美牆可晤孔子之
道惟中與庸此心此理千聖所同孔子之德仁義中正秉彝
之好根本天性庶幾夙夜勗哉合圖邇源洙泗景躅唐虞載
歷庭除式觀禮器擣毫仰贊心焉遐企百世而上以聖爲歸
百世而下以聖爲師非師夫子惟師於道統天御世惟道爲
寶泰山巖巖東海泱泱高萬仞夫子之堂孰窺其藩孰窺
其徑道不遠人克念作聖

廣州府志 卷一

訓典一

六

康熙二十八年 顏曾思孟

御製聖道早聞天資獨粹約禮博文不遷不貳一善服膺萬
德來萃心齋坐忘其樂一致禮樂四代治法兼備用行舍藏
王佐之器

洙泗之傳魯以得之一貫曰唯聖學在茲明德新民止善爲
期格致誠正均平以推至德要道百行所基纂承統緒修明
訓辭

於穆天命道之大原靜養動察庸庸言以育萬物以贊乾
坤九經三重大法是存篤恭慎獨成德之門卷之藏密擴之
無垠

哲人既萎楊墨昌熾子輿闢之曰仁曰義性善獨闢知言養
氣道稱堯舜學屏功利煌煌七篇並垂六藝孔學攸傳禹功

作配

康熙三十六年

御製朕惟

天盡所覆海內外日月所出入之區悉以界予一人自踐阼
迄今早夜殫思休養生息冀臻熙皞以克副維皇大德好生
之意庶幾疆域無事得以假兵息民迺特囑爾丹阻險
北陲因此一方人既荼毒塞外輒狡焉肆其凶逆犯我邊鄙
虐我臣服人用弗甯夫蕩寇所以息民攘外所以安內邊寇
不除則吾民不安此神人所共憤天討所必加豈憚一人之
勞弗貽天下之逸於是斷自朕心躬臨朔漠欲使悔面革心
故每許以不殺彼怙終不悛我師三出絕塞朕皆親御以行
深入不毛屢涉寒暑勞苦艱難與偏裨士卒共之迨彼狂授

廣州府志

卷一

訓典一

七

首舊從歸誠荒外君長來享闕下西北萬里灌燧銷烽中外
又謚惟朕不得已用兵以安民既告厥成事迺蠲釋青災潔
事禮望為億兆祈昇平之福而廷臣請紀功太學垂示來茲
朕勞心於邦本嘗欲以文德化成天下顧茲武畧廷臣僉謂
所以建威銷萌宜昭斯績於有永也朕不獲辭攷之禮王制
有曰天子將出征受成于學出征執有罪反釋奠于學以訊
馘告而泮宮之詩亦曰矯矯虎臣在泮獻馘又禮王師大獻
則奏愷樂大司樂掌其事則是古者文事武事為一折衝之
用具在樽俎之間故受成獻馘一歸於學此文武之盛制也
朕嚮意於三代故斯舉也出則告於神祇歸而遣祀闕里茲
允廷臣之請猶禮先師以告克之遺意而於六經之指為相
符合也爰比思樂泮水之義為詩以銘之以見取亂侮亡之

師在朕有不得已而用之之實或者不冥於古帝王伐罪安
民之意云爾銘曰

巍巍先聖萬世之師敬信愛人治平所基皇皇聖言文武道
一禮樂征伐自天子出朕臨域中逾茲三紀嘗見羹牆寤寐
永矢下念民瘼上承帝謂四海無外盡隸侯尉維此兜醜瀆
亂典常既棟聲教遂窺我疆譬之於農患在螟螣秉畀不施
將害稼穡度彼游魂險遠是怙震以德威可往而取朕志先
定龜筮其依屬車萬乘建以龍旂祝融驟鸞風伯城途宜賜
而賜利我樵蘇大野水涸川瀆効靈泉忽自湧其甘如醴設
為犄角一出其西一出其東中自將之絕域無人獸羣受掩
五日窮追彼狂走險大殲於路波血其孥翦其黨孽俘彼卒
徒眾鳥書號單馬宵遁恐久駐師重為民困慎固成守還轅

廣州府志

卷一

訓典一

八

於京白夏徂冬雨雪其零載馳載驅我行至再春冰射寇暑
惑不悔我邊我氓以休以助爰甯其居爰復其賦藩藩老稚
斯恬斯嬉歲晏來歸春與之期春風飄揚我旆旃我今於
邁如涉我郊言秣我馬狼居胥山登高以眺閱彼彈丸天降
兜罰孤雛就羈三駕三捷封狼輿尸既腊梟獍既獮豺獮大
漠西北解甲棄及振旅凱入澤霈郊卜明禮肆赦用迓景福
昔我往矣在泮飲酒陳師鞠旅誓屈羣醜今我來思在泮獻
功有赫頌聲文軌來同採芹採藻頌興東魯車攻馬同亦鐫
石鼓師在安民非出得已古人有作昭示此旨緬維虞廷誕
敷文德聖如先師戰慎必克惟兵宜戢惟德乃綏億萬斯年
視此銘詞

康熙四十一年

七

上諭國家建立學校原以興行教化作育人材典至渥也朕臨御以來隆重師備加意庠序近復慎簡學使釐剔弊端務令風教修明賢才蔚起庶幾棧樸作人之意乃比年士習未端儒效罕著雖因內外臣工奉行未能盡善亦由爾諸生積鋼已久粹難改易之故也茲特親製訓言再加警飭爾諸生其敬聽之從來學者先立品行次及文學學術事功源委有敘爾諸生幼聞庭訓長列宮牆朝夕誦讀爾無講究必也躬修實踐砥礪廉隅敦孝順以事親秉忠貞以立志窮經考業勿雜荒誕之談取友親師悉化僑盈之氣文章歸於醇雅毋事浮華軌度式於規繩最防蕩軼子矜佻達自昔所譏苟行止有虧雖讀書何益若夫宅心弗淑行已多愆或蜚語流言舊制官長或隱糧包訟出入公門或唆撥姦猾欺孤凌弱或

廣州府志

卷一

訓典一

九

招呼朋類結社邀盟乃如之人名教不容鄉黨弗齒縱倖脫襖扑濫竊章縫返之於衷甯無媿乎况乎鄉會科名乃掄才大典關係尤鉅士子果有真才實學何患困不逢年願乃標榜虛名暗通聲氣夤緣詭遇罔顧身家又或改竄鄉貫希圖進取竄凌騰沸網利營私種種弊端深可痛恨且夫士子出身之始尤貴以正若茲厥初拜獻便已作奸犯科則異時敗檢踰閑何所不至又安望其秉公執正為國家宣猷樹績膺後先疏附之選哉朕用嘉惠爾等故不禁反復惓惓茲訓言頒到爾等務共體朕心恪遵明訓一切痛加改省爭自濯磨積行勤學以圖上進國家三年登造束帛弓旌不特爾身有榮即爾祖父亦增光寵矣逢時得志甯俟他求哉若仍視為具文玩愒勿儆毀方躍冶暴棄自甘則是爾等冥頑無知終

不能率教也既負栽培復干咎戾王章具在朕亦不能為爾等寬矣自茲以往內而國學外而直省鄉校凡學臣師長皆有司鐸之責者並宜傳集諸生多方董勸以副朕懷否則職業勿修咎亦難追勿謂朕言之不預也

康熙四十九年

諭戶部朕恭膺

天眷祇承

烈祖鴻庥統御萬方子育兆庶塵懷至治宵旰靡甯幸際海宇同風邊隅嚮化遐邇中外帖然衽席之安者皆仰荷天地

祖宗福祐之所致也方朕八齡踐阼之初

太皇太后問朕何欲朕對臣無他欲惟願天下治安生民樂

廣州府志

卷一

訓典一

十

業共享太平之福而已迄今五十年矣惓惓此心未嘗一日少釋每思民為邦本勤恤為先政在養民蠲租為急數十年來除水旱災傷例應豁免外其直省錢糧次第通蠲一年者屢經舉行更有一年蠲及數省一省連蠲數年者前後蠲除之數據戶部奏稱通共會計已逾萬萬朕一無所顧惜百姓足君孰與不足朝廷恩澤不施及於百姓將安施乎朕每歲供御所需概從儉約各項奏銷浮冒亦漸次清釐外無師旅饑饉之煩內無工役興作之費因以歷年節損之儲蓄為頻歲渙解之恩膏朕之蠲免履行而無國計不足之慮亦恃此經畫之有素也比來省方時邁已歷七省南北人民風俗及日用生計靡不周知而生民所以未盡殷阜者良由承平既久戶口日蕃地不加增產不加益日用不給理有必然朕洞

曠此隱時深軫念爰不靳數仁用甦民力明年為康熙五十年思再沛大恩以及吾民原欲將天下錢糧一概蠲免因眾大臣集議恐各處需用兵餉撥解之際兵民驛遞益致煩苦細加籌畫悉以奏聞故自明年始於三年以內通免一周俾遠近均霑德澤直隸奉天浙江福建廣東廣西四川雲南貴州各巡撫及府尹所屬除漕項錢糧外康熙五十年應徵地畝銀共七百二十二萬六千一百兩有奇應徵人丁銀共一百一十五萬一千兩有奇俱著察明全免並歷年舊欠共一百一十八萬五千四百兩有奇亦俱著免徵其五十一年五十二年應蠲省分至期候旨行民間舊欠既經豁免嗣後每年額徵錢糧務如數全完倘完不及額或別有虧空託稱民欠則負國甚矣即責令督撫以下官員償補仍從重治罪夫

廣州府志

卷一

訓典一

十一

地方大吏以及監司守令皆與吾民誼切休戚者也誠克體朕慈孳保赤之懷實心愛養力杜侵牟賤削則閭閻咸得衣食滋殖無有失所而為官吏者亦身名俱泰豈非昇平樂利之盛事歟爾部移文各督撫諭旨到日即刊刻頒布徧示窮簷令咸知悉

康熙五十三年

上諭朕惟治天下以人心風俗為本而欲正人心厚風俗必崇尚經學嚴絕非聖之書近見坊肆間多賣小說淫詞鄙褻荒唐瀆亂倫理不但誘惑愚民即搢紳子弟未免遊目而盪心傷風敗俗所關匪細著該部通行中外嚴禁所在書坊仍賣小說淫詞者從重治罪

雍正元年

自督撫提鎮至州縣

上諭自古帝王疆理天下必有岳牧之臣以分猷佐治而後四方甯謐共臻上理此封疆大臣以總督為最重也總督地控兩省權兼文武必使將吏協和軍民綏輯乃為稱職但統轄遼遠職務殷繁較巡撫之所屬更大是在遴選屬僚之賢能者委任得宜則振綱飭紀可無廢弛之虞而以人報國亦得大臣之體特是澄清吏治必本大公之心虛懷察訪果係清節素著才具練達者任以要劇即行保薦則舉一可以風百今或以逢迎意旨為能以沽名市譽為賢甚至暗通賄賂私受請託不肖官吏濫列薦章而樸素無華敦尚實治者反抑而不伸是豈風厲屬員之道乎朕視天下如一家視臣鄰如一體爾等亦宜深體此意以一家之心視兩省以一體之心視屬吏本之至公用之至當則上司之任使下僚如身之

廣州府志

卷一

訓典一

十二

使臂臂之使指凡有才守之人皆樂為効用矣至於所在管轄地方有作奸犯科之豪猾倚勢剝民之搢紳理應重加懲治因巧於結納反得僥倖自全而家居之大臣官員皆經皇考任用之人致政投閒安靜自好為大吏者并不加以禮貌或反被土豪豪侵欺者有之亦非所以表率屬僚彰善癉惡之道也總督與巡撫將軍提督誼屬同寅凡地方軍民事務宜互相商榷各本虛公勿苟且雷同勿偏執臆見方於國計民生有所裨益總督參劾知府例由司道揭報參劾州縣例由兩司道府揭報眾論僉同所以示公也近有參劾之後始行補揭夫果其當劾司道府不能揭報於前既有徇庇之愆而令其補揭於後又欲寬其失察之罪彼此巧飾以欺朝廷倘得謂之至公平朕觀古之純臣載在史冊者與利除弊以

實心行實政實至而名亦歸之故曰名者實之華也今之居
官者釣譽以爲名肥家以爲實而云名實兼收不知所謂名
實者果何爲也爾督臣騰茲簡畀固宜篤矢忠誠尤當戒論
屬員痛改陋習更有仕宦之初頗著廉名及身躋大位則頓
易其操者古人謂之巧宦其心事豈可問乎且職居制閫亦
非徒以清操自善也若但謹身節用而遇地方大事一籌莫
展雖免貪冒之名究鮮屏翰之實國家又何所倚毗耶爾督
臣皆

皇考擢任之大臣朕嗣紹丕基一切遵循成法惟冀爾等察
吏安民練兵核餉崇實行而不事虛名秉公衷而不持偏見
故諄諄告誡并兩司道府州縣各有諭旨爾等亦宜細心體
察與爾屬吏共勵官箴交相儆惕朕自優加恩禮始終保全
廣州府志 卷一 訓典一 三

若爾等恣意徇私不能竭忠盡職則深負
皇考簡用之恩其罪甚大國法森嚴朕雖欲寬貸爾等不可
得矣特諭

國家任官守土綏輯兆民封疆之責惟撫臣爲重今之巡撫
卽古者保釐夾輔之臣也一省之事凡察吏安民轉漕裕餉
皆統攝於巡撫苟非正己率屬振飭勵精則一切政刑錢穀
必致墮墮拊循保障之功何賴乎夫吏治不清民何由安從
來大法則小廉自兩司以至郡縣平時參見接談卽可畧知
其才品優劣迨試以委任訪之輿情賢否清濁自難淆混惟
上官偏私好諛屬僚善於逢迎者卽推爲才能其樸直自好
潔已愛民之員反無見知之地及至計典黜陟并遇選擇保
題之缺或先納賄賂或責報異時始爲之薦引亦有奇耳目

於監司等官聽毀與於幕賓僚友之口以致舉劾不公潛滋
奔競勸賞黜陟既失其當地方安得良有司乎藩庫錢糧虧
空近來或多或少數十萬蓋因巡撫之費用皆取給於藩司或
以柔和交好互相侵挪或先鈎致藩司短絀繼以威制勒索
分肥入已徒供一身貨緣自奉之費固顧朝廷帑藏用之
虛及事發難掩惟思加派補庫展轉累民負國營私莫此爲
甚州縣積穀本爲備荒之計水旱歉收之歲待此拯濟於民
生最有關係今皆視爲正供之餘項借出陳易新之名半爲
胥吏中飽半爲州縣補空一遇災荒茫無賑貸皆由巡撫平
時疎畧包容玩愒所致也屬員缺出委署雖由兩司詳請其
實巡撫操其權下屬鑽營囑託以缺之美惡定酬賂之重輕
攝篆之人久則年餘近亦數月往往視爲傳舍情同行劫不

廣州府志 卷一 訓典一 四

卹小民之脂膏但飽谿壑於無厭務償得署之餽遺而止試
思此一年數月之間窮黎何罪而可縱貪暴以剝削之乎此
等積弊尤爲國法所不容者巡撫參劾知府應由司道揭報
參劾州縣應由司道府揭報所以示公慎無私之義也近有
先行參劾而令其補揭若所劾不公則其補揭未免以勢凌
之使不得不從果其當劾則司道府既不能公揭於前而復
巧飾於後以寬其徇庇失察之咎上下容隱視功令爲具文
公慎無私之謂何撫標兵丁多者二千餘名少亦千餘名境
內設有匪類竊發藉以捍禦搜捕今撫臣自謂無行軍進剿
之職置標兵強弱於度外不加訓練器械朽鈍營伍廢弛裁
汰老弱之兵空糧悉歸私橐大非國家設兵衛民之意矣雲
貴川廣獠獠雜處其奉公輸賦之士司皆當與內地人民一

體休養俾得遂生樂業乃不虛朕懷保柔遠之心嗣後毋得
生事擾累致令嗣民失所至於土豪巨猾結交官吏武斷鄉
曲逞奸干紀之徒每或彌縫漏網而告休歸田之大臣官員
安分杜門反徇私吹索借端凌踐此皆大失好惡之公尤損
保全耆舊之義非鎮撫者所當留意乎爾諸撫臣皆荷
皇考任用之恩受全省撫綏之寄朕續承大統祇遵成憲優
禮大臣保全終始惟冀爾等各抒忠悃安靖封疆朕所諭者
有則悔悟速改無則省躬加勉爾司道府州縣各有諭旨爾
亦宜詳細體察與諸屬吏共相勉勵同心協力以盡職守若
不念

皇考簡畀之隆致貽地方黎庶之害負恩曠職自取罪戾朕
又安能廢法以宥爾乎特諭

廣州府志卷一 訓典一 五

朕惟自古帝王皆以興賢育才為務我國朝自

太祖

太宗肇造鴻圖

世祖定鼎中夏首隆學校加意人才開國規模超越前古至

我

皇考

聖祖仁皇帝御極六十一年培養教育恬冒涵濡深仁厚澤

有加無已

御製訓飭士子文頒布學宮東西南朔海濫山陬戶習詩書

家敦禮樂遐邇無不嚮風文教之隆莫過於此矣朕續承大

統遵守舊章寤寐求賢惟恐或失念學校為士子進身之階
督學一官尤人倫風化所繫遴選各省學臣倍加鄭重爾等

須廉潔持身精勤集事實行文風兩者所當並重若徒事文
華而不敦崇實行猶未為盡職也表揚忠孝節義崇祀先聖
先賢訪求山林隱逸摻羅名蹟藏書而衡文一道專以理明
學正典雅醇潔為主古人云言乃心聲氣由風養必士品端
而後文風正他日為國家柱石為朝廟羽儀不其重歟勿私
納苞苴勿瞻徇情面勿輕視武途勿濫取祠蔭勿矯激沽名
勿昏庸廢事勿卑汗貶節勿驕暴凌人胥吏必謹關防幕客
尤宜選擇如此則內外交修本末兼修上不負朝廷下不愧
多士朕耳目所及必有見聞若罔顧聲名廉隅不飭國有常
憲罰必隨之尙其勉旃毋忽特諭

國家武功赫濯綏靖區夏用資專閫統率全省將士俾黎庶
誠和疆圉甯謐提督之任綦重矣當茲海宇承平士卒狃於

廣州府志卷一 訓典一 六

晏安不以兵革為事相沿日久營伍漸弛非所以肅軍政飭

戎行也爾等皆係

皇考簡用節鉞之大臣尤宜恪遵令典倡率所屬將弁簡閱

卒伍整理器械操演技勇平時討論軍實訓練精勤乃稱節

制之師折衝禦侮庶幾有備無患矣夫儲糧裕餉所以足兵

食壯干城非為飽一人之私橐也乃虛兵冒餉侵漁扣剋視

為故常以致朝廷恤兵養士之典止供將吏肥家之計居心

多愆自難彈壓下僚馭眾寡恩何以振興士氣提臣職任拊

循果能廉正自持無虛給餉俾士飽馬騰有不感激思奮者

乎至山海要區得人最重爾身為大帥凡將佐偏裨果其智

勇素著才技優長肅紀律而輯兵民歷有成績之員或軍政

薦舉或破格題請皆當予以優擢如本係庸劣之弁徇情面

docsriver 文川网
入驻商家 古籍书城

在文川网搜索古籍书城 获取更多电子书

受賄賂始則權宜委任旋復列名保奏不特冒干名器必致貽悞地方濫用匪人之咎其能逃於功合乎且設兵所以衛民文武官屬殊途而轄兵愛民均有責焉如各執己見不相和協勢必有縱兵虐民挾制長吏以逞威作奸者在文臣豈容辭咎而提臣統領水陸重師管轄不嚴調劑不力致文武抗衡兵民異視責更難追書曰同寅協恭和衷哉爾當一秉虛公和衷辦事嚴飭將弁於所屬汎地實心捍衛勤緝奸宄俾居民安堵無虞地方咸受其利益爾等皆勤勞素著効力年久之人

皇考屢加拔擢存膺斯任朕祇遵成憲優遇大臣保全終始爾等其各抒忠悃以無負朕愛養兵民之至意其總兵副將參遊等官各有諭旨爾亦應詳細體察同心協力共相策勵

廣州府志

卷一

訓典一

七

靖共爾位永奠封疆特諭

國家幅幘廣大凡巖疆重鎮關塞要害之地設立總兵俾之鎮守上承督臣之節制下樹將弁之表率輯兵安民厥任甚重居是官者當以甯謐地方爲念嚴飭官兵巡緝奸宄倘有匪類務必窮盡根株使宵小無從潛匿良民得以甯居若平時漫無覺察日久必致蔓延綢繆未雨之謂何武臣雖不干民事然保障捍衛責有攸歸守此方卽當軫念此方之民毋得視之膜外縱兵肆擾至文武職任雖分盡心王事則一彼此和衷同心共濟白不至貽悞公事况撥文振武經術同源善於恤兵必善於愛民尙何至縱兵虐民失國家設兵衛民之意乎總兵統轄營汛甚多當以訓練爲先嫻騎射整隊伍備器械限期校閱勤惰嚴分賞罰明而軍政肅隱然一長城

矣所屬將弁兵丁智勇超羣則立登薦剡武藝精熟則特拔戎行以之鼓勵軍士猶有古良將風焉兵之所需糧餉最重給糧而扣剋則師旅有枵腹之憂缺兵而不補則營伍有空虛之患總兵率先潔已嚴飭偏裨毋得久懸兵缺以恣侵漁毋得剋減額糧以肥囊橐則兵籍無虛士氣益奮有不收臂指之效者乎至於馭兵之道務在寬嚴得中過寬則兵以怠玩而生驕過嚴則兵以拘迫而滋怨能於嚴明之中隱寓愛恤之意庶幾上下一心忠義自奮此又在爾鎮臣之善爲運用者也仰惟

皇考垂誠提鎮諸臣有曰韜鈴宜裕紀律宜明拊循宜至訓練宜精又曰文武輯睦毋相抗衡軍民調劑各得其平煌煌天語勒於箴規久矣爾等皆係

廣州府志

卷一

訓典一

六

皇考簡畀之人果能實心力行不致始勤終怠上負

聖訓朕心嘉乃成績必懋錫殊典如其徒擁厚祿虛糜爾位既無益於兵民致有乖於令典國法森嚴朕不爾貸也特諭朕惟國家官制分省開藩爾職居方伯任寄旬宣所以緩輯羣黎布昭德意實庶邦之喉舌列服之綱維任既重矣責亦大矣府州縣官之賢不肖最關民生休戚當不時察核治行務知其實分別臧否以告督撫爾以無私自信督撫自不以私心致疑協和盡力以勸賢懲不肖則除害興利一方安矣今計典之黜陟特疏之薦彈朝廷憑督撫之奏章督撫憑布按之詳揭爾布政爲官吏表式自當益矢公忠若愛憎任情是非倒置以詔事上官通行請託爲賢以不善逢迎恥投暮夜爲不肖其何以稱之屏之翰百辟爲憲者哉夫官至監司

歛歷有年當服官之初廉潔自守漸登高位頓改初心更有矯飾虛聲潛納賄賂陋俗相沿謂之名實兼收其罔上行私爲尤甚孔子謂事君勿欺甯不聞乎賦役會計皆爾專司調劑均平乃爲稱職今錢糧火耗日漸加增重者每兩加至四五錢民脂民膏剝何堪至州縣差徭巧立名色恣其苛派竭小民衣食之資供官司奴隸之用爾試思戶版稅籍誰爲職掌私派橫征誰任其咎顧可失於覺察乎各省庫項虧空動盈千萬是侵是挪總無完補耗蠹公帑視爲泛常尤爲不法宜嚴革前弊永杜侵挪如司庫盤查之責在巡撫虧空之根亦由巡撫巡撫借支而布政不應者少矣然職在監守果能廉正自持則巡撫挾勢借支斷不能行爾但謹身節用量入爲出司庫必無虧空矣州縣庫盤查之責在知府覺察虛

廣州府志

訓典一

九

實之責獨在布政爾但潔已率屬不容徇庇州縣庫必不虧空矣朕深悉弊原所以反覆諄切言之冀爾等悔且改也

皇考德洽區宇六十餘年朕嗣守丕基惟成法是式爾等皆蒙

皇考簡拔職任藩宣果能各效忠誠稟遵功令朕自始終保全加以擢用若營私贖貨曠職累民爾既負

皇考之深恩朕又安能弛國家之令典三尺莫追爾其慎之特諭

朕惟直省大小獄訟民命所關國家各設按察司以專掌之一切州縣申詳至爾司而獄成凡督撫達部題奏事件皆由爾司定案任豈不重歟

皇考仁覆如天每覽西曹奏贖反覆推詳惟寬惟慎遠情真

罪當猶施緩決之恩好生之德洽於民心六十餘年於茲朕嗣守大訓思四海之內有匹夫匹婦罰非其辜者卽非所以繼

皇考之志夙夜悚慄焉何道而能不濫不寬實爾司是賴朕惟國家考定律例所以弼教非以厲民是故嚴立刑書防其或麗於法及至斷獄又條分縷析思以曲全其生書曰欽哉欽哉惟刑之恤哉又曰與其殺不辜甯失不經此律例之本意也今或情例相違牽合文法以納民於網或有兩例並見輒上下其手以自遂其私安得無冤獄哉

太祖高皇帝之訓曰生殺之際不可不慎聽斷之官必期得情大哉

聖言包舉虞書周禮之義夫折獄憑口供而平反懸案卷今廣州府志

卷一

訓典一

十

法吏不求得情惟求完結州縣案卷之申詳爾司者多鍛鍊口供附於律例冀免爾司之駁查爾司之詳督撫督撫之揭部院者又加文致焉冀免三法司之駁查漢路温舒所云奏當既成雖皐陶視之猶以爲死有餘辜者也口供案卷如是宛抑何從平反咎在聽獄之初心原非欲必得其情也今宜釐剔宿弊歸於明允毋得因循故事自墮奸欺也大計黜陟由爾司詳報督撫宜以用刑明慎執法不阿者爲賢能毋以善事督撫弗逆爾意者爲賢能也地方豪猾若苗有莠不除不窮害我嘉禾至於良善巨室致政大臣獨吏或借端侵抑之非所以稱朕意也邇來士大夫好云名實兼收所謂名者官爵也所謂實者貨財也習俗偷薄朕甚憫焉夫六廉之義百司攸同至納賄出入人罪於法尤重朕人之命破人之家